



紹述先生詩集

三

和10  
1495  
13

早稻田大學附屬  
圖書圖  
寄  
漢詩文  
第 411 號  
第 9 卷  
此書館外不許帶出





和16  
1495  
13

紹述先生文集卷之二十五

詩集卷之五

男善韶 校

七言律詩

贈今邨義準歸伊豫丁亥

京洛烟花多壞土，唯看辛苦誦斯文。光高一釵斗間，彩影遠孤帆。島上雲事業應須垂不朽，姓名豈忍付無聞。而今古道稀人和，赤幟憑君張漢軍。

詣村上冬嶺翁墓詩并序

予昔卅角時有肩輿而造門者，肩龐言徐類然坐于中堂，與先君子叙舊，晤語移日，暫而



出腰扇觀之扇面有小楷數行今尚依稀記  
 得漫興十絕也予時稍知屬詩翁索而觀之  
 吟弄數四勸予成立既歸而問之先君子曰  
 彼村上友佳翁今之博雅聞人也其後不復  
 屢造既而翁退休與先君子及諸文儒頻頻  
 會集賦詩讀書予每與焉尤善詩有新詩每  
 必題扇頭少有不穩字與諸人評推接濕紙  
 措去更填好字又與北村篤所氏諸人會讀  
 二十一史月率六日不避寒暑伏臘其耽學  
 亦厚矣至宋史之半而翁沒年八十二寶永  
 乙酉八月二十九日也予時遭大故心情恍  
 惚不能奔葬今茲詣墓奠以一律蓋夙好也  
 冬嶺退休亦幾時春花秋月屢追隨丹鉛手倦滿床  
 卷煨煉眼穿千首詩父執交遊君最親官途功勞世  
 共知車公在坐人常樂追憶悽愴一片碑  
 吏部郎中清公壽尊府金紫光祿大夫六表蒙

徵賀詩曰呈一律  
十二月二日

華甲一週開壽筵賓朋滿座族貂蟬共歌周雅九如  
 頌又述箕疇五福篇奕葉經帷傳祖業三清仙錄占  
 遐年家庭有誨詩書富將見郎君克象賢

森下氏二子見招席上和北村篤所子韻  
寶永丁亥

騰月六日英衡二弟及希明宗函到

不習人間豪侈態二難令譽可差肩瓶中梅朵將春  
 意屋角雪花初鵬天有酒有詩半宵話子晨于多百  
 家編春秋尚富須相勵莫使悲傷在暮年

塵  
戊子



洛陽三月鬪芳菲，爭奈遊人浣素衣。客舍朝來遭雨，  
浥午窻影裡和烟微。人稀榻上長相委，歌罷空梁落  
更飛。城市山林隨處是，斯生避避復何歸。

遊西三伯鑿宗宅

九衢塵裡小清幽，不用苦登黃鶴樓。松竹陰深成野  
趣，盃盤興逸當山遊。暖風甘雨三春半，舊伴新朋一  
日休。千載杜陵嘗解道，對君疑是泛虛舟。

奉和德山毛利侯

元次

觀宗道中高韻

士峯杳杳路三千，藩服觀宗方。是年怒馬鮮衣傍碧  
海，高牙大纛接蒼天。穿波燈火賣魚艇，臨岸招牌沽

酒鄜看盡須磨明石勝一篇，珠玉感情全

紀事

寶永戊子三月八日午後左京姊小路油小路小  
路民家伊勢屋失火，西南風甚，既而俄北，又  
東南，限蛸藥師街北及今出川塔壇西到油  
小路街東盡人家皆為焦土。禁裏仙洞  
東宮燬，其餘王公卿士宅九十五區，社七所，  
佛寺六十餘，宇民戶四百七十七町，壹萬三百  
余區，燒亡傷死十一人，自高望之火道凡二  
十許所，云及明九日未時，凡十三時而熄。予  
時携弟長英，謁毛利侯于大坂，八日夕訪一  
友本町橋上，望東北有火氣，既到友人家有  
逸報相和，十日且歸家，燹宅無故，累重安健  
詩以紀之，曰：考近世京師火災，應仁之亂宮  
省民戶蕩為煨燼，故籍遺文多就燔滅。其後  
兵革草擾，不復能國慶元以後，民物富庶，郎  
舍日華服，玩日積延寶癸丑乙卯之歲，大內  
再火及民廬舍未及是歲之災之甚，蓋應仁



以來之  
一秦也

三月祝融威氣甚，炎官熱屬競驅人。  
長安萬戶半焦土，上界三宮忽墜塵。  
物價遽翔民用窘，人心未帖詭言頻。  
百年積蓄一時燼，奮觀何時復見新。

秋興

書劍十年無狀甚，乾坤何處著羔裘。  
星河影動天衢近，鐘磬聲寒岳寺秋。  
解道食魚懷建業，誰能騎鶴下揚州。  
長江滾滾人俱老，綠酒一樽月上樓。

戊子中元夜掘河之畔與一二同志設榻納涼  
節到中元暑未收，河湄一榻暫相休。  
遊人城市紛如織，明月水波湛不流。  
千里海山同是夜，兩街燈火照新秋。  
誰揮西日及三舍，枉把行藏附倚樓。

八月十四夜里村昌億法眼亭賞月

時京師火後寓于朱雀街北村可昌堀正  
修到携品川希明股延明及弟長準往

月色佳時那待滿，是亭况又面東南。  
地偏樹竹助清趣，山近軒楹挹翠嵐。  
翰墨場中無別話，梅檀林外好同參。  
弄花翁後舊衣鉢，尚見遺書三函函。  
默堂丈人席上九月廿三日長敷  
宗函長準知幾到  
素飲東道不時派，幸遇今年在告休。  
綠酒清歡非一日，青燈深語又三秋。  
叢篁依砌行行盡，殘菊滿甌片片



片浮日夜街頭人擾擾誰知這裡占閑遊

秋郊觸目

落日平郊樹影斜池塘水涸了鳴蛙棘籬短處未黃  
菊瓜地收時尚紫茄幽島竹深來好鳥暮林艸暗著  
奇花偶沿熟路尋佳寺導僧迎客整袈裟

兩森芳洲詞宗久宦于對州今茲上都

舟中作目次韻以叙久別之情

己丑

蒼波萬里託孤舟初到都門過麥秋利用嘗藏貫道  
器抒懷何借釣詩鈞三韓風物他鄉夢二島雲烟遊  
子愁契闊多年唯自愧守株尚未了箕裘

次木下侯韻

戊子之歲京城火官令諸侯修宮新宮置小  
營于鴨河東備之葺守木下侯寔與其後麾  
下之士時來于宅示侯新年高作蒙微和章  
恭次嚴韻云齊桓公使高子帥南陽之甲  
城魯魯人以為美  
譚事見公羊傳

宮城經始子來時竹落斜連鴨水涯遙隔山陽雲擾  
擾方看京洛柳枝枝黃堂且聽絃歌響彩筆不須斧  
鑿施當日南陽尚相記美譚千古本無私

泉州道中

寶永  
己丑

方是木綿花發時平田行盡遠懸崖怪巖古木行行  
是重嶂危峯曲曲奇誰寫一丘皆入畫忽逢半壁亦



堪詩却疑雲樹最深處逢著羽人採紫芝

白雲寺

白雲深處白雲寺磴道盤紆入碧空仰見樓臺超象  
外遙聞鷄犬在雲中前溪水漲知經雨老樹陰涼不  
待風一十六州歸眼界却疑身坐上清宮

新年作 庚寅

豈要掃龜求卜屋輪蹄稀處是吾廬梁鴻自愧曰人  
熱趙括徒知讀父書金縷報春歸岸柳紺芽侵雪長  
園蔬寫文時遇稱心筆不博人間七寶車

東川子城東新宅

父執卅年意最真短書驅我賞芳辰  
明窗臨水宜披卷小築依山非良人  
厚地高天人幾許游雲野草眼  
還新董君蹤跡遠城市領取東臯花木春

春日雨中

家無聽事堪旋馬門有清泉可濯纓  
好樹當窗常輸綠異禽馴砌不知名  
一場春夢涵花影六尺藤林濕  
雨聲不信長安城裏住過牆蜂蝶自柴荆

偶題

詩情撩我倚欄干綠竹風前三四竿  
紙上虛傳舊得失人間日換新悲歡  
九原士會誰能作千載子雲遇



最難始識接輿非，達者爭如穩臥強加餐。

詩贈大町正淳老丈東行

緣何慰子遠遊情，黃鳥菜花春服輕。驛樹迎人無意

緒，層峯倚雪自分明。池中難作蛟龍變，林下何憂猿

鶴驚。聞說東方今有道，飛騰不日卜斯行。

應平井春澤丈之招遊伏見賞桃花

三月十五日與北村大同到遇雨而歸

大湖一派接天湧，鷄黍相追此問津。喬木孤村連翠

靄，絳桃千樹簇芳塵。霸功何日英雄盡，故壘經春艸

木新。遠近紅霞迷出處，箇中恐有避秦人。

三月廿五日同遊雙林寺僧舍

漠漠紅塵逐馬飛，問花尋柳扣山扉。幡幢影裡數峯

出，松檜陰中一徑微。匣底青萍聊復爾，床頭黃卷是

耶非。平原十日不辭醉，又倒接羅對落暉。

僧房避暑

偶來一榻遠公房，萬竹參天六月涼。深洞泉甘嘗玉

液，香厨味美想瓊霜。蓮花漏報松陰轉，心字香淺篆

縷長。不信城中塵十丈，葛衣當暑汗如漿。

夏夜緒方老人宅小集次韻

嘗把詩書代釣耕，豈將奔走買名聲。飛軒風入自三

召述花莊文集卷之二十一



面高樹月升初二更在翰墨中長是樂栽花木外百  
無營相逢之處非生客一夜燈前俱眼明

秋夜紀懷

擬著潛夫草未成湯唸梁父想高情新涼一掬稻花  
雨生事十年梧葉聲雙轂行天何肯住二毛欺我不  
期生小虫無數撲燈滅又把殘書就月明

初秋遊松谷子城東別業同賦

七月廿四日  
携長隼到

補陀寺側趁新涼地接小松平氏莊流水行人無盡  
日歸雲獨鳥幾斜陽腐儒蹭蹬舌三寸夸者經營夢  
一場那若清泉奇石畔淺深隨意醉秋堂

愁

何地可埋何處避深如滄海固如城江山極目雲千  
里燈火照顏宵幾更迹入菱花玄忽白根和芳艸掃  
還生檀公竒策三十六只有青州取援兵

八月十五夜會緒方老丈宅

幾歲周旋人擾擾今宵邂逅鬢蒼蒼清風戶牖竹先  
動濁酒盃盤興更長底事陰晴還首鼠却教詩句轉  
亾羊心朋相聚不相讓何覓苦登天柱望

夏夜緒方老人宅小集次主人韻

人生要足何時了達者從來說即休出則必與非所



顏居纔容膝亦何愁新詩過眼記旋失妙句關心苦  
巨酬賞盡奇花兼好鳥且看天際火西流

贈隱者

一褐一裘自在身團瓢只與白雲隣何知朝市年年  
變鎮見岩花日日新明月常依戀酒客青山不引愛  
錢人雖有高蹤堪仰止果哉誰是寄斯民

尋梅

印盡蒼苔履齒痕山園仍舊月黃昏暗香最好臨風  
立墜萼偏宜和雪殮只取幽蘭做知己合將孤竹共  
鄉邨自無艷質可凡目却惱騷人今古魂

庚寅十月廿五日伏見林景范宅觀琉球貢使

過

琉球國中王尚益使美里王子  
尚紀豐見城王子向祐等來聘賀

遠自中山修職貢豐城美里寔來賓海波不隔越裳  
譯夷俗仍看椎髻民隻手握蛇槍樣怪絳衣操樂土  
風新方今聲教朔南暨應有二連至孝人

壽信州清水隆閑良醫六表

青囊多歲壽斯民思邈高蹤脫世塵深雪偏添梅氣  
力淒風更見竹精神良工衆共嘆無比主器君今幸  
有人甲子一週初過了仙苑自此幾回春

和源長州山居



尖頭屋倚萬山幽竹几蒲團住即休蘿薛不延冠蓋  
客庭階自任鹿麝遊斷橋依石分嵐翠脩篔簹緣巖引  
澗流斷得黃精和土擔歸來嶺上白雲愁

庚寅十一月十一日拜觀

登極儀

惟辟龍飛歲在寅承明觀開旭霞新衣冠猶見開元  
禮儀衛重逢大寶春扇影徐迴四聰返佩聲初動九  
門晨宣麻三段德音遍自幸惟星拱北辰

數原宗達大醫今茲九月十三日丁未表初度  
之辰予未蒙識荆曰一友人蒙徵壽詞題菊壽

客仍述近體一篇以當賀詞云

花甲週時初度筵樽前佳色競嬋娟芳聲未遂識荆  
面絲軸先呈賦菊篇聞說南陽宜養老且期東道伴  
飛仙壯遊何日携書劍容靜齋中窺秘編

庚寅歲晚作

深雪寒燈頭種種丹鉛未遍歲將除誰言賈誼懷奇  
策畢竟虞卿好著書倦羽風枝棲不定小梅月地蒞  
還疎今年十口堪支臘樽有新醅盤有蔬  
三百六旬忙裏回烏髭無鉄盡爐灰梅花深雪好  
在月影寒窓佳句來到手奇書新活計轉頭春事舊



塵埃功名歲月不相待，今古清樽幾為開。

春行寄興 辛卯

幾歲深沉草太玄，是時政好放吟鞭。千金索價帚雖  
敝，一割有時刀豈鉛。青葉紅花新州木，遊人啼鳥舊  
山川。流行坎止皆隨值，何問無懷與葛天。  
日日春遊不須友，漸聞林澗變鳴禽。奇峯無路薄雲  
住，一塢有花蕭寺深。獨步倦來臨綠水，相逢誰復携  
瑶琴。小詩妨道古人說，爭奈天機動野吟。  
穀雨未乾獨掩關，朝來庭樹聽綿蠻。高人有句多言  
酒，騷客無情不在山。燕子菜花春看晚，孤雲流水意

但閑出門來，往人如蟻，誰復姓名託不刪。

新柳

春風春雨故隋城，千柳夾堤看向榮。楊氏愁來眉未  
展，小蠻舞罷體猶輕。舟堪繫處波初暖，鴉欲藏時烟  
漸生。誰念般遊纔一日，年年記起亂王名。

贈瀨尾生從朴所公東行

星軺是日向東州，聞說攀鱗接勝流。蒼島白波風浩  
蕩，山花野鳥思綢繆。雙鞋不為利名走，千里唯供詩  
酒謀。富士從來無絕作，開顏應待子來遊。  
首夏偶作次韻酬謝緒方老丈之見寄



情真投我一篇詩氣格老成人共知且看庭階生玉樹  
向來几席擬瑤池禽聲喜在鄜中聽山色偏從雨  
後宜莫為春歸廢觴詠園林隨日綠如帷

溪山小隱

幾歲溪山深處住藤蘿四面石成窩  
僧來報焙茶訣村僮偷窺相鶴經烟艇和鐘歸  
每晚花亭臥月醉初醒平生豪氣未全挫  
匣裏騰蛇三尺青

妙法二品大王素愛牡丹多栽園中其品之最  
逸者二種紅者曰御幸紅白者曰深山木命僕  
賦詩曰獻鄙律二章云

滿苑牡丹栽作疇就中御幸品殊尤絳英灼灼看偏  
好衆卉紛紛誰更儔染得未乾紅幾入開時如見炬  
三頭天威咫尺不相愧姚魏應知是俗流  
右詠御幸紅  
帝子置園華頂陽分栽奇品自天潢仙姿宜在無塵  
境國色從來不斷香比並猶嫌言魏國相依誰復認  
何郎憐他龍府探珠者肯信人間有夜光  
右詠深山木白

落花

一穗黃雲春向晚花涵簾影午陰長  
將飛且待微風度已落猶留曉露香  
時墜錦茵彼有命去隨流水本無常  
閑人盡日管閑事片片數來據矮床



悼刑部藤尚書

從三位刑部卿藤原貞維卿天賦質實恭謙明敏嘗信吾先人之道力學有年在元祿寶永之間密陪經帷文學行義挺然乎措紳之中今茲辛卯五月九日罹疾而終壽四十四又四浮屠氏立號曰懷德院觀志意吾道矣失所依賴不堪感愴奠以一章云

嘗位秋官古九卿幾年密勿弼丞平好書何問有無計下士不將門地榮名姓豈隨寒草朽英靈須與列星明辱知廿歲一朝夢東岳愁雲無限情

客歲之秋携弟遊小松莊賦詩德山佳辱賜高和意趣清高難遽奉答漫裁一章以謝云

思嘗一杖趁新涼携弟道遙平氏莊掩屋長松張翠

蓋傍階修竹媚殘陽風煙偏引文詞客山水元非名利場豈意俚歌播東地一篇清倡下琴堂

讀漢高祖紀

四海風塵孰復清獨提三尺致承平交龍雲氣何堪異從諫知人最見明唯約三章臨兆庶却將六籍附儒生斷蛇扛鼎豈相劣大度能基帝業成

中秋鴨河水亭賞月伊勢人福島喜早兩生招可昌及僕三數輩賞月

表渚塵樓迹已陳清風明月興猶新寸雲不作眼中翳好句無非席上珍臨水檻浮秋意冷面山亭與夕嵐隣佳期幸賴他鄉客免使驢盟負此身



落葉

吳江秋冷渚雲空，夜夜清霜夜夜風。客袖冷時山始瘦，僧鞋濕處徑纔通。梢頭嘗和紅花媚，竈底今將宿火紅。休向御溝流水接，艷詞恐有自深宮。

次喜早詞伯見示韻

鹵莽何曾資藝業，獎譽叨愧極推崇。芳流千載唯由我才倒，三江孰敵公東海。舊廬眠夜雨，長安客舍滯秋風。羨君歲月尚多在，莫曠後來造就功。

次鶴溪詞伯見示韻

多年契闊復相遇，驚見詞華筆底香。身逗九重雲霧

靄，兔馳二見海茫茫。詩成秋院荳花白，夢斷京山木葉黃。千里來訪應有意，詩書宿好不尋常。

九月十三夜僧院玩月

千古宸遊成故事，今宵寶地又登樓。明暉不是尋常月，高興如同三五秋。象緯影收黃道近，笙歌聲凝碧雲愁。歸依誰把李翱比，文字禪中對貫休。

冬初次奉木鐘老丈見

雪月風花三十年，依然霜菊弄餘妍。初知孤悶遭茶破，未解天真為酒全。數尺明窓新結構，半宵翰墨奮回緣。清閒相遇輸肝肺，宦路從來勞獨賢。



輪王寺宮高駕東歸詩以奉餞戊戌十月廿七日高駕發程

輦下清閒葛已裘那堪今日錢華輶天然圖書隨行

屢吟次溪山送幾州嘗接綺筵逢皎已又看扈駕有

枚鄒欲攀高躅攬奇秀世故使人不自由

國井生修業在塾二年聞弟將婚遂歸省戊戌

海上有人來逐臭浩然匹馬促歸裝興懷不為鱸魚

美樂事偏思鴻雁行關外風烟過十月洛中書劍未

三霜買臣當日亦何意苦待錦衣回故鄉

南山詞伯抱病退隱于洛市頃和拙韻見寄再

和謝之壬辰

塵中晦迹伴芸香不傍清流不枕岡半徑開花無俗

客十年多病抄奇方豪情應似青蓮李險語出於山

谷黃杖屨適時幸相過宅臨洛水一條長

寄題愛蘭堂

泉州岸和田鎮儒官三宅翁所居正堂曰愛蘭客歲三韓行人來聘令子石屏滄溟賢伯仲膺詞翰接對之任托其詞客求篇章以修之亦廣求于知友子未遂識荊介人而見徵漫賦一律以寄呈云

夙卜家聲奕葉芳銀鈎高揭愛蘭堂清標不為無人

變祥地從來有國香洛社交朋傳偉軌鷄林詞客服

妍章何時痛飲花開日會誦楚些俱二方



春初雪霽出遊歸途只占  
裘帽沙旬慵啟扉孤筇今日趁熹微竹西一路雪猶  
白雲外千峰雁未歸漸近郭來人擾擾獨尋村處意  
依依經冬徑草青青在此地偏知車馬稀

老馬

雕鞍卸却鹽車困瘦骨如峯歲月深首宿當年沙苑  
暮清波何日渭川得懸軍嘗動二師役伏櫪徒懷千  
里心世上而今無管仲枯其齒羅北風凜

廢宅

壬辰秋

菰蒲埋沼草封徑秋月春花幾局新淚灑池臺嘗到

客恨餘絃管暫時身而今白荻丹楓晚伊昔珠簾翠  
幙春代謝糾繩從古爾良策豈無遺後人  
壯村丈人稽古多年向者接韓使詞翰敏妙事  
聞于內

上皇賜藥劑及物若干褒其薦學因賦賀詞一章  
以述士林之榮七月

幾年高尚不求名滿架奇書癖已成清苦能令妻子  
化博聞更見使臣驚人間隱德四聰近天上殊恩三  
錫榮自是何嗟頭種種囊中有藥解長生  
初冬過安東斯文僑居



夙欽乃祖業，文逸書問往。來五十年，萬軸森森存。世澤三餘砒，砒對先賢松。榆千里長雲，外輦轂一區深。語邊殘菊籬頭應，笑我晚窓醉困擁衾眠。

初奉陪妙法大王積翠園遊

東阜松筠宜晚秋，梁園偶值引枚鄒。嗟乎亭豁雙明遠，積翠池寒別館幽。意適不知陪綺席，興酣又想泛華舟。三春花柳三冬雪，勝踐應無不好遊。

寒夜偶作

拋了殘書行幾許，故人邂逅雨還晴。霏談偏自夜長熟，寒力知回酒冽輕。天與閑人專雅興，誰將清福換

浮榮。梅花消息應不遠，窓外蕭蕭將雪聲。

讀書燈

照盡陳人千古情，圖書一榻每三更。詩成時寫岸巾影，花落不緣棋子聲。涼夜誰求螢爝力，寒宵自勝雪光明。十年對爾作何事，懶祭衲皮送此生。

歲晚芸菴老丈宅同賦詩

至後光陰未覺遲，閒中文字好相隨。北山晴雪照吟鬢，南舍踈梅落酒卮。鄴架抽來翻閣帖，吳牋展處抄宮詞。人間榮替咄嗟頃，閱盡又裁歲晚詩。

古戰場



此地嘗聞漲戰塵，黃茅目盡渺無垠。雨餘洲紫遇遺鏃，天黑郊頭見走燐。當日鶴鷺何處認，只今草木逐年新。口碑徒爾傳成敗，多少忠魂未白人。

觀落葉有感

青紅綠碧幾時榮，鵝地千村霜氣清。點水猶看片片泛，含風忍聽蕭蕭聲。色將雙鬢欲俱變，影比孤身孰是輕。不管幽人嘆搖落，又和寒日下高城。

宜齋丈席上次韻

白日不求生羽翼，翰團圍且好坐。更闌世間難得是清福，人事唯須知大觀。竹葉多情勸晚醉，梅花消息屬

初寒筭來文字十年契，况復通家繼舊歡。

聞雁有感

影入雲衢排一行，攢峰向晚佛頭蒼。夢餘宵柝孤臣淚，裁罷寒衣思婦腸。辭去春花猶昨日，到時秋葉又新霜。長繩繫日元無術，徒使汝曹來往忙。

春日言志 壬辰

掃軌兼旬靜炷香，兒童促我涉東岡。高明之室屬閑物，清省於人是妙方。短草烟波蕨堪摘，晴波沙岸柳初黃。一壺一鉢無官禁，共樂乾坤化日長。

落花 戊戌



谷口餘春欲暮，天花飛不管。送流年，時隨狂絮掠遊  
舫。仍帶嬌紅，上舞筵。鶯鶯啣殘珠，錯落馬蹄香散。鐵  
連錢，艷竟何處更。招得雲鎖虛，無縹緲巔。

御醫二松軒主人兒君年登七表，令嗣英貞開  
筵奉壽，旁徵四方詩，以侈其事。予亦與焉。為  
賦一律，以寓祝壽之意。云爾。

七表又開初度筵，二松影裏伴飛僊。金尊潏灑春如  
海，彩筆縱橫日似年。甘雨將晴栽藥圃，條風時拂養  
花天堂。前幸有克家子，會見萬斯瓜。綈綿

輪王親王館奉呈  
六月十日

本分玉牒承皇胤，長入空門作主盟。仙馭遙驅千里  
路，寶輿暫寄九重城。芳聲當日騰王画，遺響他年子  
晋笙。此處宜引詩賦，客偏知風月屬雙清。

自膳所歸和桂記室見眎諸弟韻  
八月素濤單舸奔，壯遊不是問河源。天圍巨浸受千  
壑，巖洑急流開一門。歸鳥戀林如有約，錦鱗透網豈  
由恩。胸吞雲夢君家事，濃抹淡粧不暇論。

奠北村文英墓

長在清時做逸民，放言混迹九衢塵。胸中丘壑幾千  
首，燈下丹鉛五十春。名重朝紳虛左日，恩覃雨露自



天辰舊遊多化東山土又見新墳掩故人

閔氏席上作 癸巳

回頭朝市事如麻幸會幽齋試綠芽雅集相逢常筆  
研新詩無句不烟霞誰知真樂閑中得莫使光陰忙  
裏過春物從斯應日好漸看燕影拂簷牙

癸巳四月論語古義刻成嗣奎文主人韻酬謝

斯文那復隔西東木鐸千年日再中注述不知辨昏  
旭討論豈為决雌雄偏欣壽木初成志自愧負薪難  
見功手澤青氈將十載派傳自是祝無窮

題畫竹

漢川修竹綠如蒲誰把數竿入畫圖妙手素知文與  
可直風應比汲長孺虛心不厭為霜碎特立何須將  
物扶底事徂徠後彫叟枉被秦皇爵大夫

夏日雪溪氏客舍席上平賦

名路利關何愛羈一身隨處只唔吟喚譚半日情初  
適離索三年詩益奇遠舍風篁時解籜誰家盧橘摘  
和枝騷人休恨春歸去溪月林楓堪可期

壽坂口老人八十八

春水堂人坂口老丈今茲齡登八十八又是  
日隨俗設米年壽席子亦與焉向者應  
院宜書米壽二字褒賚優渥皇子妙法大  
王又賜壽詞榮遇之至目賀以一律云



七旬自古寡比倫，經畫還添十八春。令子一堂甘旨足，親用滿坐豆觴陳。竹園翰墨龍蛇動，德壽恩榮雨露新。父執之中君獨在，忭歌何復後諸人。

癸巳中秋秋興堂觀月

又逢三五赴嘗期，明月於人一段奇。碧落雲收雁陣亂，寒叢露白虫聲悲。松間佳寺方推枕，湖上短蓬誰賦詩。屢屢呼茶歸意動，半宵微醉始醒時。

詠菊

南山對罷事千年，依舊金英露下鮮。未許遊蜂戲蝶到，只將青女素娥妍。繁枝剔去金花大，細竹扶來

徑連也怕秋光看，且老東籬自是倍蕭然。

晚秋即興

來燕去鴻不肯休，又令寒杵喚新愁。清霜紫菊猶堪摘，紅樹晴峰應可遊。玄晏有書長滿架，仲宣多事只登樓。誰將詩景寄毫素，觸目烟嵐一幅秋。

冬日即事

嚴風昨夜撼階松，已看西山白數峯。旋買新綿添舊絮，又糊薄紙卓明窗。對燈往事有時感，披卷好人到處逢。蘿菔上場寒氣早，不妨咬得沙三冬。

竹影



嘗枕清漪換僊骨，又臨古菱覺多情。雙棲禽語月初上，隣館碁聲燈尚明。委地休言金瑣碎，落階如聽玉玲瓏。不須苦倩坡翁手，半壁精神太瘦生。

戲分劉後村八老題同賦予得老兵  
嫖姚麾下盡精兵，知是當時第幾名。百戰場中輕萬死，半間屋裏守殘生。不從張俊求回易，俄看狄青蒙寵榮。也怕向人譚往事，弓刀雪滿出長城。

鏡中梅影

冰肌當日伴何郎，影破一匳金背光。花向水晶宮裏發，人從雲母屏前望。孤鸞弄翅無顏色，遊鳥窺窗問

暗香笑殺含章人去後，鉛華猶學壽陽粧。

觀花

甲午上巳後四日開氏宅

不是天門觀化人，軟紅鬧裏此逡巡。一觴一詠曾遊寺，飛絮飛花欲暮春。雲擁山樓絃管沸，林圍翠幙綺羅新。奈何蝸角日相迫，未許羲皇上世民。

積翠園觀花

三月八日公慶正溥元隨同到

梁園亭子俯迴塘，池大如湖舟可方。翰墨風流皆熟客，鶯花世界豈他鄉。板橋積水人行盡，芳樹春雲酒滿觴。冗裏難逢間半日，勝遊不負日初長。

三適堂偶懷得隨字



短褐怯寒親酒危溪山已及早花時春蔬旋試伊蒲  
味夜鼎初嘗陽羨奇朝市尋常間不得乾坤三尺鎮  
相隨書生事業亦堪笑文字等身欲為誰

緒方老丈七袞壽四月廿九日

絳老年高未問衰玄論奇筆世相推金蘭之友交常  
熟瓜葛於予蒙不遺壽擬南山千古色人歌天保九  
如詞絲衣幸有肯堂在詩禮家庭教可知

贈寶所師歸台麓

猶嫌幽寺接塵寰孤錫翩然臥故山白月禪心台嶠  
麓蒼波魚樂太湖灣浪僊馬上推敲手陶令譚中醪

酌顏觸目風光應可掬琴書早晚扣松關

送迂生赴因州

迂生通仕籍將赴因州臨別可一語比來忽忽不遑起草為贖一律以贈之餘茲續寄

路入山陰接朔方鯨波泛盡又羊腸桑弧從古男兒  
志衣錦何為時世粧百里絃誥真樂出半牕燈火向  
新涼詩書元是君家物到底須期千載芳

甲午中秋積翠池泛舟賞月

林風吹斷簷間雨山月碾升松頂光棹破金波舟蕩  
漾樓舍灑氣樹蒼茫明河脉脉欲無影丹桂紛紛覺  
有香今夜將何酬逸興莫辭綠醕滿瑤觴



酬香川詞宗聞予登天台見寄

秋霽雲收碧落空，瘦藤交影涉龍從。仙家日月九州表，佛寺金銀萬木中。旋煮山肴隨意啜，時餘村酒借顏紅。黃精紫木無人採，荷鍤雨餘伴董公。

訪公慶師山科幽居六月

踏破牛山一片雲，暫來竹院借南薰。滿園只有蟬聲爽，四壁更無人語聞。蕭寺樓臺峰欲近，古陵松柏路難分。世間榮辱懶揮塵，又逐歸鷗入夕曛。

蘭化齋即席 十月三日圓院同可員

千里溪山斷送秋，星寒旋襲木綿裘。舊詩抹去愧黃

口退筆束成促，白頭菊倒兩邊餘。箇箇松高風處報，颼颼告君休。問門前客世路尋常羨，頡頏

甲午十月初一日會飲牛山翁醫仙堂賞菊

屈指廿年翰墨盟，盃簪又喜伴陶生。土墻殘日影初薄，碧瓦新霜氣轉清。彫紫漸堪胎布枕，落英猶可泛金甃。誰言一夜秋香歇，剩有東籬未盡情。

晚秋遊高壑 甲午之秋九月七日同萬所携準

從先人到此今已三十餘年矣邑山上有小野毛人朝臣古墓云

卅年踪跡隔林扃，前度劉郎不負盟。人去佳城餘劍佩，僧殘蕭寺轉金經。丹楓霜後秋將盡，紅蓼沙頭雨



乍晴綠髮忽驚今種種層峯只恁遠村青  
 送土府醫負匹田草胤歸  
 客氈未暖忽黯然縹緲雲烟挂海天東魯文章新事  
 業南方草木別山川柳條霜重不堪折梅葉春隣可  
 見妍今日臨歧何所寄葫蘆依樣寫成篇

籍沒宅

誰知富本不如貧奇福從來與禍隣百計家肥金至  
 斗一朝機發象焚身多年花石誇奇品幾指奴婢屬  
 別人門帖揭來爭聚看盧生枕上夢初新

壽良山藤先生六表

戊戌三月十五日

聞說當年蘧伯玉行年六十化年年長生何借偷苑  
 術濟世爭傳種杏花仙花氣釀成紅酒滴霞光奪得錦  
 箋連更將底事為君壽莊誦九如天保篇

紅梅

江南別種百花魁絳雪壓枝簇簇開不分桃夭漫自  
 矜可堪杏艷競相催冰肌何受紅塵浣霞彩應從赤  
 縣來恨殺孤山林處士品題底事有遺材

積翠園賜觀牡丹

四月四日

翠幙珠簾十日晴牡丹時節惱人情一枝染就紅綃  
 濕數徑消殘雪片輕群玉山頭嘗會見天彭譜外別



傳名梁園詞客絲如鬢午醉醒來眼特明

對書燈乙未

嘗隨綺席映瑤篴永夜鷄窓二尺檠微去時逢山月上  
別來不厭曉鐘鳴碎花落几微成暈孤焰怯風耿  
自明怜殺飛蛾緣介斃韜光好照讀書聲

贈真山詞伯東行

騷壇多歲執牛耳榮路新休問馬曹華岳清遊嘗幾  
共補陀勝境豈辭勞溪花媚日款烏帽村酒留人繫  
寶刀行盡長亭詩始就驛雲低處縣樓高

香川醫丈賦還竟紙見示予亦效顰賦一律事

見天工開物

囊積盈筐太史連蠹殘塵沒轉多年已還當日簿書  
責未了前生文字緣幾局悲歡和墨散一般精采向  
人妍從來化腐憑良手何假九華帳裡烟

夏日遊西郊東陽軒予廿年前嘗來此乙未五月廿一日是日夏至

幽處徑通掩竹扉鳴禽自在遠林飛短笻久矣吾嘗  
到一字依然人已非南燭花開梅雨過東陽軒豁午  
風微四時今日日尤永猶聽昏鐘不肯歸

四月廿二日同桂川兄拉門生舍弟等展墓遂  
憇于大堰川畔時雨後山泉暴漲是日又值里社



四尺鬢封依寂寥，故人携手陟山椒。  
半巖雪瀑松巔落，一道紺寒天末消。  
到處風爐依水店，幾羣袿服咽平橋。  
上游勝槩心期久，擬共窮源買小艘。

劍

夜夜龍光干斗牛，老奸膽落妖魑愁。  
暗投明月入先樓，虛刻行舟誰復求。  
舞罷楚軍餘俠氣，請頻漢殿擬佞頭。  
那為漫授倒持柄，賈却吾從沮溺耒。

森下生宅卒賦

五月八日

叢樹天低虛閣開，幽扉待客遠紅埃。  
雲摩塢頰寺遙見，風破林霏雨又來。  
未許朱簾宜暮捲，只憑青嶂喚

詩催夙知文采二方在不厭興來盡一盃

夜雨不寐得一聯速明足成

六牒屏風八尺林，簷溜滴滴伴更長。  
枕頭數盡聲聲柝，爐底焚餘縷縷香。  
舊事上心非復夢，靜中得句未成章。  
酪奴為祟魚如眼，明燄初能到睡鄉。

秋興

峒峩觀闕白雲連，極目秋容慘淡天。  
滄海渺茫浮一粟，江山重疊送千年。  
暝禽和葉投平楚，晚稻畏風棲野田。  
未許潘郎能作賦，故人相對酒如泉。

中秋秋興堂玩月

名述先世文集卷之二十一



今宵何處惹人情，十笏松檜三五晴。纔放清輝雲乍  
破，旋添寒色露還明。林間小酌嫌盃淺，席上新詩拈  
筆成。開口從來無幾日，不妨斗轉又參橫。身風對  
寄三河，雲林亭。日暮春寒天欲暮，雲  
六鼇山湧海之濤，勝處一亭託賞音。屋宇高低臨大  
路，烟霞縹緲接平林。支頤有客搜新句，夾帙和雲送  
暮禽。圖畫寫來千里寄，令人對此憶幽尋。中興  
題西湖湖心亭圖次琉球程順則韻  
逋仙高搵輝青史，坡老遺蹤餘翠屏。三笠烟嵐山向  
曙，十年海客眼長青。飛軒倒影湖心聳，畫舸和人岸

際停幻出，西湖真面目苦吟。一夜酒初醒

良卦送弘齋翁赴信州飯田鎮

青燈夜雨幾秋春，是日翩然去問津。滿店楊花送千  
里，一肩書史伴孤身。入雲危棧望仍遠，當道甘泉飲  
更新。朱紫於人彼有命，好將絃誦化斯人。

孤雲

青冥遼廓望無垠，仙袂裁餘一片新。出岫元無根蒂，  
著影池初與藻荇親。高風將去摩鶴背，亢旱未嘗點  
魚鱗。孤飛不入襄王夢，來伴思鄉千里人。

一園



青蔓帶花過北隣，一園秋色坐來新。輕羅扇破未消  
暑，促織聲寒已近人。牛下有誰歌白石，馬頭無路避  
緇塵。承平時節米如玉，今日行藏孰是真。早未嘗熱

正月十日次了堂和尚見寄韻丙申

來牛去馬人如織，遙想寶坊離世氣。樹尾銅鈺懸旭  
日，峰腰匹練遠寒雲。喜看四韻由三上，已是九春過  
一分。聞說淨名方抱疾，室中誰復扣玄文。

正德丙申端月疊和了堂和尚見眎高韻  
身住白雲巖際寺，壓中息影冒埃氛。楮衾猶卧三竿  
日，葦戶時飛五朵雲。輦下春從花柳動，上苑路入彩

霞分近來功課若相問，朱墨等閒修舊文。

贈牛山赴豐府

臨海高樓杰水涯，帆檣風便祭神鴉。龍光遙識豐城  
劍，丹井欲求勾漏沙。一舫琴書未載鶴，幾肩行李唯  
移花。何年吾償乘桴志，紅杏花邊尋董家。

奉謝德山江侯因弟長英詣府之次以紙墨茶

瓷茶物寄賜子及諸弟

使君好古禮韋帶，餘愛猶存五弟兄。一簇嶼雲春樹  
遠，半輪海日暮潮平。縹瓷貯茶分佳客，淨几拂塵聘  
墨卿。又逢楮生面相熟，幽窓題句眼偏明。



丙申三月廿六日遊宇治迫暮而歸臥見宿于

穗積翁之宅熙載元總及準弟同遊

遙見茅茨帶翠微，片雲落地意依依。春餘茶戶漸催

摘，齋罷柴門遇獨歸。金剝凌風雙鳳舞，彩橋泛影斷

虹飛。千年義氣九京下，扇樣石欄對夕暉。

上光祿大夫朴所藤公嘗蒙許序先集詩以奉

促

妙齡嘗著祖生鞭，黃卷優游四十年。倏直頻歸仙仗

外，捲班且惹御爐煙。清時未肯投簪紱，小築早知依

澗泉。願賴吹噓表先德，從來燕許筆如椽。

奉挽准三宮大明宮

人間英器帝家親，雙樹影涼塵外身。翰墨清歡事如

昨，池臺遺構趣猶新。華軒幾冒二荒雪，金錫遙飛三

塔春。一夜驚回來字夢，子規啼罷雨聲頻。

長信秋思

日聽羊車輾過聲，墻腰三尺土花明。後庭新曲未諧

譜，別院恩榮始識名。繡罷綺窓螢火入，夢醒金井轆

轤鳴。欲將秋思題紅葉，滿袖淒風不耐清。

藝府谷崎中齋翁告老卜築其府東南肱山之

下扁曰洗心亭曰同僚掘君見徵鄙詩仍賦一



律以寓遐想之情云

幕府多年歸去來洗心亭上且徘徊好詩時自鷗邊  
得小畫巧將鷁首開香火近望天女鳴舳艫遙接霸  
家臺幸分一榻期何日臨水登山意未灰

次熊陽道兄見寄弟長堅韻

龍城山水馳清夢物外汗漫未可期孤劍中宵供倚  
醉雙魚千里寄相思夙聲今日憑誰振才調如君舉  
世知書記翩翩休告困扶搖翼怒九天垂

豐公故壘

馬上功成鎮一方蒸沙當日擬金湯風雲猶見旌旗

色林莽不驚鴻雁行遼海艤衝初叱咤陀峯松栢忽  
淒涼湖山龍戰杳無迹今古澄江一帶蒼

我阜懷古

化城湧出倚崇阿芒屨茶爐幾次過玉輦春風花鳥  
恨羅衣秋露草虫多三船豪興人俱醉百首舊題名  
不磨祖塢猶傳宋時物更無文字可摩挲

朴所藤公賜和拙韻再和奉酬

松墮枯斂引鞭百弓閑苑幾多年軒邀平野秋深  
月函鼻北山雨後煙當世無倫心若水滿堂有客酒  
如泉卜居不用問詹尹欲接芳隣搆數椽



贈山中僧

萬木森森誰與鄰，倚然古屋倚嶙峋。  
千成巖角襯跌坐，鑿破岷腰龕佛身。  
鳥下生臺初卓午，花飄法座送殘春。  
引弓架箭住來久，射得世間多少人。

中秋緒方老丈席賞月同薦所翁賦詩

淫雨涉旬怯葛衣，勝遊幸得值清暉。  
半天爽氣星河淡，萬里金飈鳥鵲飛。  
耆舊二公唯健在，騷盟一夜又相依。  
主人文字素成癖，不許無詩取次歸。

積翠園賞菊

九月廿四日

秋露催人携錦囊，午鷄初到菩提坊。  
亭開面面皆山色，欄護畦畦有菊芳。

逸品應分天上種，奇芬不似世間香。  
又看老樹報霜信，句法安排立夕陽。

南遷吊古

黃屋南奔王氣分，峰巒重疊駐孤軍。  
中原戈甲無清日，北闕鐘簷只白雲。  
神器那能祚衰運，藁人誰復答殊勳。  
漁郎不識興亡事，一擢刺過箕水濱。

寒月

搖落猶憐月有陰，幽牕八尺對寒林。  
雪晴千嶂明相射，冰破半池影始沈。  
呵筆欲和疎竹寫，岸巾誰倚小梅吟。  
俗兒不解風流趣，錦帳羊羹醉夜深。



春初藤宜齋丈小集見眎回賦一律丁酉正月十三日  
故舊相逢不世情，新詩投我大清生。  
小梅臨戶未曾白，微霰落階初有聲。  
三越風烟開北陸，滿江波浪動春城。  
好將文史佐藩府，四海而今仰化成。

春日遊峩山厭離菴

幽墅近隣般若臺，暄風山面向人開。  
半溪松露尋君到，一屋茶烟待我來。  
影滅鴻邊春不住，花飛鏡裡老相催。  
世間誰是鎮如意，好為陶生澆一盃。

夏日江村

語燕新巢風日妍，江干岸憤思無邊。  
數家烟火雞鳴

樹滿棹清漪，人在船。楚客千年詞賦在，鴟夷一舸姓名傳。  
不堪畫取為君贈，今古丹青欠自然。

丁酉中秋值雨秋興堂次主人和詞末字為韻

一擔踈雨桂花寒，滿目蕭條人倚欄。  
雙屐雖然負佳節，孤燈猶耐伴清歡。  
十年舊話俱青眼，半庭幽香有紫蘭。  
郢曲寫來真絕調，不妨燈下夜深看。

秋聲

月落陰風萬木聲，那堪宵柝促天明。  
孤蛩露下棲難穩，斷雁雲衢徙自驚。  
霜杵搗殘千戶夢，玉笛吹徹一川橫。  
直從宋玉賦成後，更令幾人訴不平。



鐘聲

敲落滿天星斗紛征夫馬上不堪聞  
悠揚嘗報東林晚聯絡遥穿長樂雲  
數杵遞晴松外動一聲殘夜枕邊分  
從教撞破高唐夢又恐傳巖感聖君

尋梅

玉色依然殘夢中覺來琴僕任西東  
望迷野徑蕭蕭竹香遠前村陣陣  
風疎影向高誰繼響清商聲動恨  
無窮此間應待知音到孤鶴踰蹊盤碧空

紹述先生文集卷之二十五

終

紹述先生文集卷之二十六

詩集卷之六

男善韶校

七言律詩

贈朝枝自適翁歸防州

戊戌

鄉園山水動歸興雙劍凌波海若藏  
雲帶征鴻過別浦風吹行棹餞斜陽  
只今霜雪向人粲到日梅花滿意香  
莫負帝州春事好况看有子對縹囊

詠松應冷泉藤公之求

何恨三春魚艷態終年長看綠崔嵬  
風翻夜壑濤聲



湧烟斷山城黛色開滿地清陰人獨立高枝殘雪鶴  
飛回栽時已有凌雲氣養就應任大厦材

秋至

羲穀忽忽不待推黃花黃葉日相催輕河如練煙初  
飲新月上床秋又來長策誰逢明主獻清樽時與故  
人開微軀七尺乾坤濶猶有汗青志未灰

甲午遊天台宿陂下

天台東西陂下之邑皆曰坂本江田謙齋近  
羅官樓隱于東陂下八月廿一日邀予而往  
比來淫霖兼旬大津路滑難進遂買輿取小  
院將擬登山云

十里松門秋氣鮮來尋泉石舊日緣寺樓面面湖光  
入石路層層苔暈圓雞黍故人餘厚意鷗沙漁雙入  
新篇山靈莫怪來遊晚清夢時時桐柏巔

鄴尾硯

松前君家藏銅爵研一枚遠自  
東武見徵賦詩為寄題一律云

徒聞才子姓名傳鄴下風流獨死然歎識重逢洪武  
世典刑尚存建安年紫檀匣裡閃光彩濃墨磨來漲  
瑞烟誰向崐岡求片玉應須寶用萬斯千

酬蘭洲記室之見寄

記得當年在帝京飛觴東閣筆縱橫屋梁月照依稀



影沙麓鐘傳縹緲聲吾黨交用頻聚散君家兒女想  
生成長安春事日相促但待惠然尋舊盟

望拜大仙陵已

仁德天皇陵俗曰大仙陵恐山陵之訛在泉  
州堺治東二十町許有池西之周回一里其  
大可舟餘浸溉旁  
村民田其利甚溥

雲鎖蒼梧日色陰長看耕墾不相侵珠襦玉匣千年  
闕石馬金輿何處尋經典三韓開帝學人烟萬戶軫  
宸襟碧池周匝有餘潤仍憶一杯遺澤深

筑州中原邑人茅軒翁來訪惠寄一律卒和以  
十里答之嘗聞中原有孝子久伯問之乃其從父也

故詩中及之

白茅屋裏白頭叟獨抱遺經歲月深忽涉危濤求識  
面且欣空谷聽足音煙藏修竹涼侵坐風拂高梧秋  
滿襟不要遠來苦相訪君家本自有曾參

南紀垣內了閑翁八袞壽其二子從先人及子  
而學

八袞鬢絲紛若霜遙思絲衣戲中堂明光浦外蓬萊  
近巖野峰前藥草香緗帙業成家有子瑤觴捧畢壽  
無疆清容不入周王兆却自徐生傳禁方  
已亥十六夜緒方翁宅詵月前夜月不佳



驅盡纖雲玉宇清，一輪影滿九重城。蒼顏白髮去年  
客，綠酒新詩同社盟。鴻雁風高分爽籟，芙蓉露冷泛  
晶英。老天應為今宵興，故奪人間三五明。  
圭山子見跡八居詩和呈請政

山居

塵飛不到一條溪，取次人家依嶮西。藥草徑香來澗  
鹿，奇花洞邃舞山鷄。煙扉影入千峯近，霧閣青連萬  
木齊。好箇十年高卧者，夜深慣聽怪禽啼。

巖居

螺髻層層雲一溪，巖扃不鎖日平西。危枝掛月驚松

鼠，枯蘗乘陰蒸樹鷄。未許行藏伊傅迹，漫將名姓綺  
黃齋。何堪持此入城郭，遙夜清猿絕頂啼。

樓居

風物依稀罨畫溪，飛樓一望萬松西。復明俯送高秋  
雁，枯坐遙聞向旭雞。邀月偏宜兼水近，架天不擬與  
雲齊。關山遠裏人如玉，悵斷聲聲絡緯啼。

茅居

青茅蠶屋屋依溪，茶靄林霏蕭寺西。梁上新泥去年  
燕，素巖殘雨午時鷄。松秧短短移來活，竹落離離縛  
不齊。請看楚臺高幾尺，鏘鏘環佩復烏啼。



鄮居

不依青嶂不臨溪，門俯九衢萬井西。並舍追呼逃去，  
狗鄰坊齋送鬪回。鷄新豐父老全來沛，莊嶽兒童誰  
學齊。纔是庭筠陰始合，時時幽鳥帶離啼。

船居

青竹冥冥影霽溪，十年蹤迹五湖西。清遊每伴橫江，  
窄壯志誰聞中夜鷄。白擁平沙千頃晚，綠皺細浪萬  
荷齊。三更夢破柁樓底，露葉颼颼恨欲啼。

水居

家家壘石開山溪，華戶松門依竹西。采得新荷莖，

餉編成枯葦，柵籬鷄。風吹野色村，村霽影夾波。光樹  
樹齊別浦人喧，魚市散一雙。潑刺止兒啼。

邨居

甕牖前頭綠漲溪，溶溶派自別村西。時看耕叟行秧，  
馬又待故人供黍。鷄數朶晴峯千樹上，一犁甘雨四  
郊齊。鳥鳴鳩鷓女紅，迫肯信傷春紅頰啼。

秋色

香川氏席上已  
庚九月廿五日

昨夜金莖玉露浮，忽然紅紫一時休。寒烟平楚古今，  
恨落木長江天地。秋爽氣逼人黃菊，咲淒風吹雁白，  
雲愁憑誰喚起。郭熙手暝色依依，月上樓。



此物傳從滿剌迦光浮銀海皎無瑕玉繩橫遠懸星  
象寶篋初開奪月華箇箇能分燈下字枝枝不隔霧  
中花又看一種窺天鏡万里秋毫誰有遮

憶梅為唐氏賦

唯有松筠與小隣隴頭信斷一枝春羅浮片月誰相  
訪度嶺十年嘗見親憶昔餘輝恍在目祇今剩馥故  
依人清揚彷彿半宵夢掃破我鷺溪欲寫真

又次塾生景鳳見和前韻

千金買得與君隣玉立空違幾度春香國無緣生可

託瑤臺何術往相親溪橋雪後應恰我烟渚參橫獨  
釣人帳裏返鳧縹緲處舊來面目未全真

梁園飛雪為真山詞伯賦

憶昔梁園吐錦茵參差臺殿與山隣瑤琴聲闕鈞天  
曉珠履蹤殘寶地春積翠池頭隻樹影倚松菴裏半  
床塵林間依舊霏霏雪帝子僊遊幾又新

宮恨

紫袖當年侍玉宸內家叢裏沐恩頻華鐙院院金堦  
夕芳草年年輦路春蛺蝶圖成意無賴鹿葱花落恨  
還新蛾眉休問長多少也勝去為胡地人



默所老丈席上次主人韵庚子二月廿日

船艚多年南海州相逢不惹索居愁中原文獻誰宗  
匠東道主人今勝派花蕪山礬愛香烈賦成鸚鵡愧  
亦優好於此處消佳日松塢竹窓事事幽

御柳庚子三月

觚稜日上五雲飛婀娜柔條閃曙暉金縷烟重篋寶  
仗麴塵春淺淡宸衣風飄隻袖狂俱舞影覆千官迷  
且歸忍聽官鴉鳴啞啞龍池殘雨掩朱扉

奉送青蓮二品大王東行

千里雲岑接海東瑤輿忽去御長風葉飛江北秋將

盡雁斷天心月正中清夢頻馳華頂嶺高蹤暫寄梵  
王宮無緣欲附圖南翼行色忽忽旭日紅

辛丑春初集適堂師房次見眎韻

蓬鬢依然一歲回芒鞋偶破綠苔來墻陰旋掃消殘  
雪瓶嘴半含新放梅多日論文且耽道尋常愛客不  
留財吾無外事相羈束屢屢何辭高會催

享保辛丑歲始建先妣貞淑孺人碑是歲三月始命工四

月十九日始成歿後四十四年云

十里平疇獲阜西雲深香盼倚丹梯嘗栽宰木風霜  
古堪見野叢秋露淒更伐青珉彰淑德且濡紫穎勒



新題始償四十餘年，志展省歸來，山日低。  
 宿今津村，今津氏宅，放舟遊竹生嶋。  
 誰將一片玉玲瓏，點破蒼波萬頃中。天地無涯舟楫  
 小，湖山千里畫圖濃。蕪葭秋冷藏汀鷺，巖壑千秋眠  
 洞龍。却望沙頭回棹處，浮嵐靄翠鎖杉松。

緒方老丈席上次見跡韻

享保辛丑三月廿二日

街頭旁午尋春客，花底幾人踏軟塵。又與群賢逢勝  
 日，聊將一飲餞殘春。雖非能畫王摩詰，即是風流賀  
 季真相對，不須形迹拘此亭。聚首故頻頻。

和謝高擣丈見寄韻

備中

間氣何時無鳳麟，徒於青史景行頻。喜君夙志追先  
 喆，嗟我幽懷學逸民。千里雁魚難會面，一方旗鼓倍  
 精神。丈夫事業終身□，努力須成席上珍。

木鐘老丈席上和謝高韻

僊趣詩成思十洲，詞鋒退銳自堪羞。暄風今屬一年  
 興，幽事還逢半日休。盤味留春烹紫蕨，園花媚夏著  
 紅榴。清飈滿榻人如玉，無意滌洄沿碧流。

夏日水居

四月江干水到扉，半篙新綠上苔衣。榻懸常為酌人  
 下，帆動欲將釣伴歸。殘雨初收楊柳暗，蒼烟乍破鷺



鷓鴣誰能會，做有聲。画一窠，幽篁立落暉。

次橫山怡白生韻

辛丑六月○先子時諸州人，多來學唯佐州人，以僻遠不至怡白生素慕古學，項日上都投刺來見，目次見寄韻以謝之云。

多君先著祖，生鞭傾蓋真。如舊識，然尺素從來無契分。束脩今日是奇緣，故園消息斗邊。雁客子，光陰燈下編好為鄉人標。去幟相逢不覺席，頻前。

題樓將軍

已亥

不愛剥皮還及肌，鬚髻仍見夜叉姿。清齋幽榻君何少，玉塵麻繩吾豈宜。誓掃埃塵心轉折，甘煎糞斗迹相隨。千金自古享尊價，底事齊諧託妖魑。

早春小集次適堂師見脉韻

壬寅

春雲靄靄擁春城，尚勒輕寒意未平。輦下同迎新歲，月盈中不負舊詩盟。扶搖吾少垂天翼，偃蹇君懷遺世情。松影參差日初午，共繙黃卷聽鶯聲。

春日訪木鐘丈見脉近詩次韻以呈

相遇尋常抒素抱，豈將文字鬪嬋妍。溪山無處不牽興，卉木逢春自可憐。多歲清言揮玉麈，誰人豪氣擲金鞭。明時休問田園好，紅杏從來傍日邊。

木鐘老丈席上次韻

連床叙舊坐春寒，應敵平原十日歡。豈是黃金結交



厚且知白雪嗣音難只因詩遣殊多興不與世忘亦  
自寬者宿而今彫謝久唯君隻手挽狂瀾

題白牡丹

當年專寵住昭陽素質輕盈不假粧  
襞積越羅千片白收還趙璧一雙光  
中庭月在自無影半徑雪殘却有香  
底事風流萬花會只誇魏紫與姚黃

擴所安藤丈自福山見寄近作三首皆可觀也

次其一律以謝 壬寅

百年茅社山陽路縹緲烟霞擁海城  
嘗為輿論傳美譽忽於簡素見才英  
花飛亭榭饒春色梅熟琴書伴

雨聲臭味相投千里外依依猶有故人情

寄仲弟長英在俗之福山

異鄉山水轉堪憐落日蒼波思悄然  
四海交游皆縫掖半生事業附簡編  
裁書先寫加飡字屈指頻推離別年  
應念北堂垂鶴髮白雲飛處九重天

遊杉氏宛在樓

樓在鴨川西畔第五橋北漕渠在其西主人請其名目取秦詩

扁之曰宛在云

佳氣葱葱鎖帝鄉一樓宛在水中央  
青山招我頻相對白酒教君老更狂  
憑几祇疑遊閬苑濯纓何必問滄浪  
人間樂地人間外要看新詩滿錦囊



無絃琴  
一片焦桐古色沉高山流水鎖遺音月臨石榻風虛  
度花覆金徽塵不侵幽賞誰知陶潛趣希聲自契伯  
牙心十織撫罷夜堂寂斷靄飛鴻何處尋

宮鶯

霞散餘暉滿建章百轉嬌鶯透雕牆金梭時墮丹墀  
影綺舌常隨仙樹香冉冉爐薰飄刺繡絲絲風柳弄  
輕黃君王昭德憐微物莫畏宮娃挾彈傷

長州源刺史將還武府日賦一律奉別

千里間關肯顧家不日雪月與風花五雲宮闕中州

勝萬雉金湯東海涯席上雖歌猶勸酒門前行色已  
巾車誰將寶劍脫相贈好賦遠遊追楚些

池田元信氏萱砌北山孺人六袞壽

孺人名醫壽庵之令女其先本華人馬氏系出于伏波將軍之後云

高堂奉壽足歡聲寶婺今宵瑞彩明綠酒如澠人既  
醉銀缸繼晷僕頻更馬家千載傳華胄徐氏一門負  
盛名仍著當年斑斕服應知慈母手中成

湖夕

意行到處立平沙盈把收來野草花遙認孤嵐空際  
落便為片雨浦頭過邊風遠送兩三雁山日斜懸六



七家滿地江湖還我有任他浪迹轉蹉跎

秋寺

溪面練擎帶殘陽古栢大矯倚法堂黃葉擁廊秋索  
莫紫苔緣砌晚淒涼清齋旋設伊蒲饌高興戲呼般  
若湯欲去離僧留客說待看林杪吐蟾光

草

長洲無際伴行吟隨意萋萋一丈深宜陽城外春將  
盡青塚路邊日已沉祇緣麋鹿臥來軟不向輪蹄多  
處侵嗟我雖然無遠志寸暉未報若為心

壽越藩醫官馬淵亭庵老丈六表令嗣養真生

嘗遊學在京云

千里相逢未有期祝君華甲介鴻禧松寒舊葉添新  
葉梅放南枝向北枝醫國從來遭盛際肯堂况復見  
佳兒越山縹渺越天遠遙想笙歌侑壽卮

次適堂師見寄韵

管領十年城裏春紫袍何復惱閑人嘗繙貝葉通三  
乘更耽汗青充八珍裘業傳來徒自愧鉛刀磨處未  
期新相逢每為遠師醉不負儂家漉酒巾

櫟谷老人見眎雪中入京詩憶前日尋訪之興  
為寄一律



嵐山疊翠插層霄，得得尋君度一橋。  
燕尾溪今逢浣女，羊腸路轉伴歸樵。  
雪中人着坡仙屐，波際誰收唐老瓢。  
應待丹青寫高躅，階前種箇好芭蕉。

即事 癸卯

一室清閑擬素封，堪將文史了三冬。  
淒風旋獵斜斜竹，微月俄升落落松。  
他日誰傳當日事，今人空認古人蹤。  
相逢不是世間語，眉宇稜稜道氣濃。

越中壺峰賢契嘗寄脉近體一首，未接手采珠荷推重之意，比來冗且懶，久稽酬謝，因賡其韻以代面晤。

却掃嗟予奈寡聞，登音空谷獨逢君。  
百年喬木絃誦化三尺，明窓今古文感寓嘗知。  
追伯玉續書未肯學，河汾西莊剪燭卜何日。  
長白山高一片雲。

甲辰元日 享保九年

松門葦縷萬家同，里巷謳謠值歲豐。  
膏雨連春仍脉脉，條風入樹未融融。  
百年不識干戈警，三世相傳詩禮中。  
弟妹天涯知健在，壽卮堂上借顏紅。

歐陽詩雪

汝南白戰載書新，長嘯却胡別有人。  
厭聽瓊瑤相疊說，亦知鹽絮未為真。  
風前奉巧何憑袖，月下消殘不



誤塵吟送雙明閑坐久斜斜整整自精神

遊涵虛亭

涵虛亭上弄清漪，雨送殘春亂萬絲。盟向白鷗閑處結，遊將綠酒熟時期。好花傍檻自堪折，奇石當庭不待移。嘗識此間饒勝境，重來拂拭舊題詩。

謁亞相朴所藤公兼奉伸新除之賀

甲辰三月除大納言

芳園百畝與山隣，竹裏書聲坐晚春。蓬洞雲淡琪樹合，薇垣畫永紫泥新。桓榮稽古豈尊美，揚震世家自有倫。攀附從來知幾日，鳧趨詎復後他人。

寄題忘言亭

亭在豐州小倉鎮城東依山而面海云。石川平吉生求

茶烟日午出山扉，路入園林穿翠微。卜築祇宜依勝地，嗜閒未必厭塵機。鐘聲時帶夕陽到，雲影遠從外國歸。萬象為君來几席，長風吹送夢魂飛。

影

宛轉長橋臥彩虹，清波不動見遙空。獨居常與形相吊，萬態皆回物不同。妄想杯中蛇作祟，瞥看鞭下馬追風。老來臨鏡吾喪我，壁上烏紗燈火紅。

詠佛菜花

甲辰。陸州以佛菜一。株奉贈東廡山目賦

海外徒聞珠樹連，朱華今日照臨川。地寒中土栽難活，境異北人看更怜。且謝且開花續續，如言如咲色



媽媽同鄉唯有賴桐在相倚紅粧媚午天

甲辰中秋無月集浩齋氏宅憶舊大町伊藤氏到

三五舊盟何處尋金樽對雨到更深花晨月夕隔存

歿社燕賓鴻送古今千戶清砧催暮色中庭落木下

殊陰勸君好入芝蘭室未為子期便絕音

甲辰初冬藤宜齋丈宅小集次主人見脈韻

今古茫茫譚咲中間誰復哭途窮樽前三尺時開

匣帳裏功名夜照缸蹤跡投閒唯五柳鬢絲欺老任

雙蓬新詩留客未歸去天地淒涼月滿空

壽德島老丈六袞乙巳

綠沉金鎖舊青氈許國丹心六十年珠玉含輝飛彩

筆芝蘭競秀映華筵榮名更說升如日多福應知佑

自天休恨太卒無用處優游投老對韋編入火中

敦素老丈佳招次奉脉客韻

衡門雖向九衢開只許幽人問字來春帶輕烟歸柳

色風將殘雨洗花腮聚頭細細評青史到手頻頻斟

綠醅古道而今棄如土多君獨障世波頽

虞美人草四月十一日  
且齋翁宅

烏江兵散楚詞悲艷恨長憑婀娜枝紅凝丹砂嬌綽

約翠紉瑤佩亂參差狂將蛺蝶風前舞泣對薔薇露



下衰欲話當年承寵舊世間何處復逢驢

夏日泛湖

五月十一日  
淺井氏宅

雨晴一碧水平湖不怕輕舟礙短蒲羅襪凌波香認  
藕錦鱗墮網美如鱸風雲變幻珠宮現日月吐吞瑤  
島孤江上數峯青若許恍疑夢裏到三吳

古劍

六月十一日  
香川氏宅

平生一劍拂纖埃看罷中宵時引杯香木鞘殘華鈿  
脫青絲縹斷玉環摧萬年字上鷓膏潤三尺光中龍  
影開錯節盤根何足試燁然紫氣映昭回

次鈴木氏韻

鈴木太仲氏上予先人龍  
賦一律見要次韻和呈

清梵遙傳松寺秋蒼波影與白雲流一朝得失生前  
小四海是非身後休日晚空林分古道年深宿草掃  
荒丘恨君不與接談咲傾想臨風字字愁

晚遊兵部大王莊即事

賦  
六月廿七日

疊嶂臺前趁晚晴早涼初動心蟬聲清池知自何年  
漲華月偏應此處明蕭竹平連千畝影金枝鎮看四  
時榮王門不是曳裾客設醴愧吾非穆生

賦觀獵

七月廿一日  
弊舍

鈿鞍玉勒簇平原秋色依依日未昏山後元戎圍翠  
幙林間小隊就壺餐網開一面前禽逸鼓譟千人狡



兔奔肉食應知分與遍百車捆載入營門

畫山水

九月十一日井上氏宅

奇山名水丹青裏

又作丹青不情絹兼膠

路入遠郊與近郊洲

嘴風寒停畫舸岩腰嵐斷露衡茅儼看叢桂堪招隱

豈是黃金能結交題字自嫌玄尚白魚由更解子雲

嘲

雨荒深院菊

乙巳十月十一日香川氏宅

院靜高秋向日斜蹉跎節物了黃花露香尚疑折殘

朵紫艷纔留落後葩楚客飢來充肉食晉人歸去命

巾車儘教風雨都摧盡無意更將珠箔遮

溪邊梅

十一月十一日契舍是夕冬雷

四面山圍矗翠屏橋南一樹祭如星凌波仙子讓風

度臥雪高人思典刑瘦影不隨流水逝清標謾訝層

冰馨世間誰是濯纓者好向溪邊賦獨醒

掛蘭

掛蘭自流虬國來不土而生棕葉藍植掛于楹檣間亦奇卉也或云風蘭花史分為二物一恐非今茲應東曆一品親王令恭賦乙巳臘月

九畹支分尚未疎綺牖掛著結機欄應知入室自相

化那怕當門時見鉏花墮遊蜂緣几案葉垂鳴鳳下

庭除只將風露為生活肯受黃泥一點淤



奉次國子司業江藏人高韻賀其榮遷

當時未試和羹梅奕葉儒紳歎懋哉聞說芳園依龍  
畝忽驚彩筆照蒿萊百年曠典追先躅一世殊恩獎  
上才從是押班清切地重曠日日為君開

奉和羽林樹丘藤公元日早朝高韻丙午○八條  
隆英朝臣

方喜威儀觀漢官九門春到簇衣冠戴鬲才博坐重  
席賈至詩高珠支盤温室省中天語近建章宮裏曙  
暉寒身逢四海一家日骨肉團團頌履端

賦牡丹猪氏  
宅

王侯亭館鬪芳菲一種仙標見亦稀獨向餘春逞國

色誰能心午寫天機月臨玉斗光相奪烟染羅衣露  
未晞笑詠憑欄終日醉不妨惹得夜香歸

秋信七月廿一  
日獎舍

偶岸鳥紗上小臺西山爽氣當窓開金茎挿漢露初  
白玉樹報秋風忽來消息先從雁外到天機暗向蛩  
邊催凭欄同賞今宵月追憶藕花香裏回

黃葉前朝寺十一月初一  
井上氏宅

窟鬼一增逼諸天萬樹霜黃老更妍草坐纔殘僧白  
髮機鞋曾到我青年壞垣空護累累塚虛閣遙臨歷  
歷川誰識前朝香火盛樵人弛擔禮金僊



蘇東坡先生文集 卷之二十一 古義堂藏

南條暮雨 松崎氏懇○丹州 其寺八景之一

斗酒集雞共四隣村深曾不惹紅塵籃輿踰嶺疑遊

越聚落入雲非避秦紫荳花開催夕雨翠篔簹影密掃

秋旻山陰道上嘗相記應接令人願斯頻

夢聞杜鵑 六月朔日 香川大宅

彷彿疑身到錦城涼颼引夢過三更尚餘望帝千年

恨未了盧生半世榮雲木空山誰獨夜篝燈紗帳自

孤明勸吾歸去歸何處失枕驚回又一聲

冬晴

節過長至覺些寒凍雨初晴泥未乾紅影窓明添

線晨光衾暖上三竿山櫻時著狂花白江柳且留枯

葉殘何意龍公未行雪城中無處問袁安

攝州道中 丁未五月八日 京十七日歸京

新樹雨晴森帝州青山拱揖送扁舟浪踪嘗過十年

夢濯足時臨萬里流振古金湯安社稷于今帶礪寄

封侯等閑來往不曾住京口誰管多景樓

參州薦福慶老見脈近在次韻寄呈

金錫穿雲歸舊房素知身世久雙忘飽語海上風烟

變冑信城中歲月忙千里關河辭法席十年洛社入

詞場更無別事為君報涼到郊墟秋樹蒼

名述先生文集 卷之二十一 古義堂藏



聞笛 丁未八月十一日 猪氏宅

橫玉聲聲咽暮天，倚樓人靜俯長川。  
恨殘楊柳垂秋盡，夢斷關山逢月圓。  
古調時將清籟度，餘音遙隔翠烟傳。  
不須更作懷舊賦，客去青燈轉悄然。

蘇山湛然禪師未造寶刹枉寄一律獎許踰分

慙愧之至謹和高韻謝呈

清鏡侵秋照二毛，推隆叨荷許人豪。  
不圖白社容陶令，敢比藥山酬李翱。  
三昧禪餘方外契，十年道價世間高。  
為期他日攀雲嶠，到手新詩吟幾遭。

與友話舊 丁未仲冬

往事淒涼一夢回，清尊素抱不期開。  
親朋隔世憑誰問，兒女成行喜客來。  
夜雨春殘嘗剪韭，晚寒歲晏又逢梅。  
加餐相遇須相勉，鬢畔共看霜色催。

歲晚書懷

煙霞風月幾場新，閱盡而今餘浹旬。  
胸影漸加日南至，岸容先報臘前春。  
欣將衰朽逢明世，敢把編摩奮古人。  
弟妹關心消息遠，寒更聽雪燒烏銀。

老馬

雲錦群中稱絕塵，不求苦遇九方甄。  
寶鞍嘗踏燕山雪，玉勒幾嘶沙苑春。  
伏櫪多年徒躑躅，服車未路轉



遂巡長兼九馬共駢死誰是千金買骨人

今茲戊申大町敷素老大齒登者稀某日開壽

筵朝紳及義故門生多有祝辭用和詞題寄松

祝曰賦一律以伸賀云

耆儒落落若晨星喜子巋然獨抱經朝貴樞衣多入

室通侯擁篲每分庭春風興逸詩千首遲日情闌酒

滿瓶幸列盛筵何所祝喬松終古綠亭亭

戊申中秋蘭化齋玩月賦呈

是夕積雨後至初更  
冥陰既而稍晴明

三五嘗期月色妍倚樓豪興轉茫然芙蓉露下模糊

影鴻雁陣邊慘淡天此地幾逢文字飲誰家空設綺

羅筵何須辛苦上天柱也耐剪燈話十年

光祿大夫清公以賤名達于

院中叨蒙

睿獎恭綴一律呈左右己配

讀書多歲未窺藩豈意姓名聞至尊大學養才唐

職掌明經傳世漢專門辱收棧樸獎微善喜繼其裘

貢片言欲倩楮生紆素抱新涼雨霽倚西軒

生野立菴醫家自豐之中津遠寄一律見要和

多事不克即答謹此酬謝云己酉晚秋



嘗記長風送客船，渭城雨霽坐離筵。幽芳詞秀蘭生谷，鴻業名成珠媚淵。唯見乾坤眸裏濶，那堪歲月冗中遷。同遊諸子平安否，尺素寄來已隔年。

尹宮一品宣，下後賜宴恭獻一律。已酉仲冬

惟國宗藩世有名，千年青史稱東平。班高玉牒極榮爵，望重丹墀蜚俊聲。文化常崇三代興，天時幸值一陽生。叨忝錫宴同霑醉，臺上方逢靈始晴。

牛瀧紅楓。已酉冬

積霽氤氳紫氣來，青牛眠處萬山開。幽期偏識仙蹤古，豪興何須酒力催。樹色遙迎滄海日，泉聲近度白

雲隈秋深紅葉艷，人目擬命巾車上寶臺。

鏡中花

已酉九月念五日書于伴防州之宅

一鑿瑩瑩不受埃，凌波知是謫仙來。廣寒宮冷天香散，魚藻池晴瑞錦開。影寫紅粧疑解語，光搖睡態覺低摧。孤鸞舞罷嫣然笑，未許蝶蜂窺玉臺。

自勢多買舟湖上玩月

大湖如海一門開，掉擊空明此派洄。樹影崢嶸波底動，櫓聲伊軋月中來。佛燈遙現珠宮湧，戍鼓稀聞粉堞回。千古空餘龍戰迹，共歌窈窕不傳杯。

己酉臘月小倉羽林藤公見微拙字草率寫呈



系立... 卷之二十一

既而辱蒙專价賜高詞一律叨荷推譽顧分何當謹和高韻以奉謝之云

欽君才名若瓊琚久押朝班播美譽三殿曙光迎劍佩十年夜雨伴詩書賤踪猶未造華館盛价忽然臨艸廬不日上門酬厚眷何辭縞帶散隨車

愛宕曉雪

真淨菴十勝之一庫成之春堀禎助丈懇

萬井炊煙未帶風亭亭遙見玉華宮儀刑鎮壓朱樓頂眼盼分明蒼靄中夢斷佛燈挑且坐境清仙梵誦初終會逢滕日借禪榻醉賞深紅與淺紅

庚戌八月十一日蘭化齋玩月

偶尋輦寺共徘徊蒼檜參天一徑開明月每逢佳客到清風又與故人来舊遊落落日相遠嘉名勤勤不待催上下千年談未盡直將向斗轉時回

去年甘露降于

上皇宮樹今茲庚戌之秋復有其祥光祿清公徵

子獻詩

躬遭王衛心平平靈貺頻煩降自天嘗與醴泉呈壽兆又同神爵瑞元季掖垣風度琪華結仙樹日臨瑤草懸聞說詞臣歌盛際應欣福履永綿延

悼松崎千之生

予與乃翁甘白兄托文字之契已過四十年矣近令生寓于子

名... 卷之二十一







仰望馭鸞來帝州，崇班奉勅暫淹留。齊門鼓瑟忝殊眷，梁苑曳裾皆勝流。花近高軒唵晚霽，月侵綺席對清秋。白雲紅葉迎征旆，恨欲攀轅不自由。

贈別芥河國醫東還  
不因松菊賦歸來，嶺嶺雲開隨鶴回。廬岳高僧多舊識，梁園詞客獨推才。千村露白蕎花亂，一路秋殘木葉催。分手十年猶昨日，為君忍更舉離盃。

壽肥州石川田靜翁八表  
風節有人說項斯，參商路隔見無期。清泉傍舍養高志，鴻術濟民稱上醫。初及姜牙應卜歲，未登伏勝授

經時遙聞花樹韋家會，叨寄南山萬壽詩。

登明遠樓

壬子

天低睥睨壓江濤，五馬此來兵衛森。樓倚遙延滄海色，境安時聽誦絃音。百年澤國英雄迹，萬井人煙王者心。幸遇黃金臺上客，叨將巴曲答登臨。

贈武田元章生還豐府

千里尋師得得來，寧親何必續衣回。孤身天外倚雙劍，別意人間勸一杯。到日用簪須刮目，佗年穎脫要成材。橋邊猶有折殘柳，欲縮不堪秋色催。

仲弟長英書來寄元日作日次韻却寄

癸丑早春



祥雲籠日映軒楹團聚天倫祝夏心儉歲頻聞降澤  
需明時何必待河清連牀風雨十年舊控帶山川千  
里情珍重遠書與春到池塘芳草不期生  
贈矢田陪長州東歸且伸新除之慶  
道遙未占十分春攬淚忽為千里人一路風花隨寶  
劍幾重雲樹整烏巾錦囊適意江山助黃紙承恩雨  
露新祇是攀轅留不得征衫應厭惹緇塵  
觀智律師七袞初度見徵壽詞  
翩然嘗下四明巔一室晨昏貝葉編門鎖黃塵行脚  
後窓懸白月照心邊厭榮何計人間壽閱世且為地

上僊十歲追尋文字契相逢更祝萬斯年

癸丑歲仲夏遊鹿苑寺

松杉影鎖給孤園鹿苑令公遺構存榜揭宸章明  
日月池開寶鏡廓乾坤板橋跨澗無歧路籬落依山  
自一村欣與同遊三兩輩林間小憩就壺餐

拜應神天皇陵癸丑歲五月

青山遠郡護邦畿此有寢園闕石扉乃武乃文隆  
帝業如雲如日仰天威幽花含露駐春豔獨鳥呼  
風破夕霏遙想千年明德遠愚民肯取一杯歸  
北陸之途險踰大行難過蜀道而越後氣遠山



野邊弘軒生自越之新蕞田西遊于京華寓于  
樊塾五年學稍有進頃將歸寧為賦一律以勸

其再遊云 癸丑七月

往矣五年依帝州爺孃堂上雪垂頭江風吹雁新涼  
動越樹迎人夕霽浮壁立千尋蛇倒退厓懸一髮鳥  
飛愁丈夫事業豈容易須抱舊書追舊遊

癸丑中秋樊舍賞月得聲字

軒牕涼動足秋聲萬戶共期今夕明纔離前峯光冉  
冉忽浮一水影盈盈百年膝踐轉陳迹滿座良用仍  
舊盟歌管還他珠履客微醺和月到三更

竹內玄叔詞丈遠自加州頻遞書音見即先人

之道頃又蒙寄佳什一律殊荷推譽卒和會謝  
州玄誰謂學揚雄却掃年深尋古風毫楮神交千里  
外珠璣光照一篇中多君壽世傳鴻術嗟我濟人無  
寸功夜雨剪燈知何日白雲目斷望江東

那須惟修自肥之球磨來學于樊塾因贈

航海倫嘗行路難挾書十載滯長安鄉園消息萬金  
重客舍光陰一劍寒夢斷泉聲來枕席詩成月色皎  
闌干中原旗鼓將誰屬今夜論交輸肺肝  
睦叟氏新築次見脉韻



不趨要路羨殊恩，几淨窓明常掩門。清趣有時移樹竹，大歡終日娛兒孫。偶穿野服寧逃俗，時把彩毫且忘言。茶竈煙消生午寂，行人何處辨僊源。

題恒山石 癸丑十月伊藤宜齋丈懇本越藩醫員所藏

忽向庭階現一峯，削成宛是玉芙蓉。轉移豈止五丁力，屹立寧求三品封。地氤氲生異質，煙霞恍惚認仙蹤。主人磊落心期在，不問蘇家柱石供。

自嵯峨歸即賦 甲寅正月

雲深香界住崔嵬，路自棲霞觀裏回。遠郭遙山千朵出，隔溪淺塢一村開。籃輿乘霧仍逢雪，樵擔將春時

挿梅當日同遊多，不在題名忍且委塵埃。

仲弟長英自倫州寄新年作次韻却寄

律回陽谷歲華新，又使烟花隨處春。蹤迹誰言湖海士，榮枯頗閱市朝人。衰年聊賴書遮眼，窮巷不妨酒入脣。多謝好風傳好信，披書燈下岸烏巾。

同仗信翁憇于某氏園亭

輦下春餘十日晴，都人袂服路縱橫。城中刺有山林趣，物外却聞雞犬聲。不向雲岑成獨往，且期風月與雙清。偶憑同伴知東道，流憇何須通姓名。

夏初遊高雄山寺



夏木葱蘢山氣佳上方只任白雲埋僧居隨處多栽  
茗女伴尋常唯賣柴藍水蛇行迴峭壁古藤龍掛巖  
層崖經遊幸卜好風日百歲人間好壯懷

原田斯文自客歲遊學在都近來寓于塾頃者  
將歸贈以一詩云時享保甲寅端午日也

青雀凌波海日低故鄉隔在白雲西不防風雪妨行  
李饒有煙霞入品題百鍊功成淬冰鐫千金價重買  
霜蹄前程事業從君立臨別肯為兒女啼

曩者小倉金吾藤公辱賜高位一章見命屬和  
恭次其韻以奉陽春之調殊艱奉酬踈慢之罪

幸祈海涵甲寅孟秋日

西山當戶白雲飛習靜何曾知昨非一旦瓊篇輝陋  
蒼百年青史傳遺徽清香燕寢供間坐彩筆烏几下  
誨幃遙想九重人不到朝朝捧日傍朱扉

仲弟長英自倫歸省在京月夜寄贈

分袂于今十七年相逢應駭鬢皓然鄉隣桃李換新  
主家世詩書守斷編鴻雁影邊秋信早紫荊枝上月  
鈎懸誰將衣繡誇榮耀慈母抱孫娛目前

奧田嘉父氏宦于勢州寄此以代柬乙卯春日

間關嘗到海南村香稻嘉魚頻倒樽古學堂中多歲



月水哉閣上共晨昏自是羽林崇道術還欣東帛賁  
丘園斯文千載未曾墜剪燭與君要細論

井上翁七袞壽

乙卯春日大坂井上宗助父

歡樂世間種種新誰知色養最為真方逢七袞古稀  
日月屬三陽交泰春綠酒杯傾開壽域綵衣影動慶  
生辰祝將椿葉滿庭茂坐見滄桑幾度頻

寄題清音亭

亭在豐州日出管內原田氏之園中予嘗取  
左太冲詩命曰清音亭又見徵亭詩因賦一  
律以寓遐想之意云昔  
亭保乙卯端午日也

聞道芳園與海隣風花豈只占三春祇將山水代繁

竹寧為煙霞歎塩塵竿牘有時迎親眷觥籌無日不  
佳賓蒼波千里柰何遠鄉往幽懷事事新

遊鷹嶺

遠近山重綠四圍鳴鳩迎客扣郊扉未除文字當年  
習每恨林泉夙志違午砌和雲松鬣散春畦經雨木  
苗肥人民城郭不俱是追叙嘗遊醉便歸

今茲四月麟嶼儒官計來致吊乃翁宗圓先生  
屬者蒙惠丹青一幀為遺留感悼之至詩以奉

謝

當日後聲天下馳共欣攀桂際明時載樽常訪子雲



宅洗研還臨逸少池千里風烟空往事十年契濶幾  
新詩忍將白壁埋黃壤不耐丹青酬奮知

追奉悼

故特進朴所藤公今年當七回忌辰

追想園林一水西且將軒冕占幽棲朝回日日舊詩  
禮客到時時好品題遺愛七年寒暑換榮名千古斗  
山齊唯憑公子傳先業閣上應燃太乙藜

九月十三夜宜齋丈人宅會諸君子三令子一

門生皆有詩清麗可誦不克盡和為賦一律以

謝之云

雲收皓魄掛天心爽氣侵牀秋滿襟傾蓋而今垂白

首結交不是為黃金英聲夙著三珠樹遺響仍思百  
衲琴况有侯芭能問字清談玉露到更深

贈季弟長準東遊

庚子九月十一日

此行不為青雲望且從遠遊王子輿南極天低星斗  
近西風秋老雁行踈半生榮耀誰題柱千里音書人  
倚閭妙畫若逢摩詰手換來一朵玉芙蓉

紹述先生文集卷之二十六 終



...

...

...

...

...

...

...

...

...

...



